



Real. komp.

40563

I

Mag. St. Dr.


P

eclesiastica

as

Fest. 1249

*Włczyński Sigm. Alex. S. Thomas Aquinas —
in aedibus sacerrimi Ordinis Praedicatorum
Cracoviae laudatione publica celebratus.*



SANCTUS THOMAS AQUINAS

ECCLESIAE DOCTOR ANGELICUS
LUCE SUO NOMINI SACRA,
IN ÆDIBUS

SACERRIMI ORDINIS
PRÆDICATORUM
CRACOVIAE,

PER

M. SIGISMUNDUM ALEXANDRUM
W Ł Y N S K I,

NOVODVORSCIANUM RHETORICÆ PRO-
FESSOREM, SCHOLARUM CASIMIRIEN-
SIUM SENIOREM.

LAUDATIONE PUBLICA
CELEBRATUS.

Nonis Martii.

Anno salutis MDCCLXXI.

C R A C O V I Æ
Typis Seminarii Academico-Diœcesani.

H O N O R I
AC
V E N E R A T I O N I
PERILLUSTRIS ac REVERENDISSIMI
DOMINI, DOMINI
STANISLAI CANTII
DONATIANI
DOBRZANSKI,
AMPLISSIMI ORDINIS
CANONICORUM REGULARIUM LA-
TERANENSIIUM
PER MINOREM POLONIAM ET MAGNUM
DUCATUM LITHVANIÆ GENERALIS
PRÆPOSITI COADJUTORIS,
SACRÆ THEOLOGIÆ DOCTORIS,
PATRONI FAVENTISSIMI,
ORATORII HUIUS OPERIS
NUNCUPATIO.



40563 I

REVERENDISSIME DOMINE.

Dlu mihi deliberandum non erat, cui brevem istam laudum Divini Aquinatis seriem, Innocentia morum, ac singulari Sapientia ejus commendatam, vel invitus inscriberem, cum eminentem maximae Tuae eruditionis praestantiam, qua plurimos vincis ac superas, ac integerrimae rationem vitae ad omnem recti regulam diligenter exactam, qua concedis nemini, intra me expenderem: Tibi quoque pluribus argumentis opus minus fore existimo ad suscipiendam tam acquisitam bene semper affecti in Te animi mei voluntatem, ea, qua soles benevolentia; cum locum apud Te aliquem, paucis licet ac obviis rationibus meis dandum esse decreveris, quae me ad id honoris Magno Tuo Nomini deferendum officium suavissime invitarunt. Cujus enim in manibus immortalia Divinae propè Sapientiae Doctoris Angelici monumenta, aut venturis saeculorum temporibus imitanda praeclarissima purae mentis exempla convenientius, placidius atque honorificentius conquiescere debeant, quam in sinu Tuo ad omnem virtutis gloriam Divina liberalitate comparato, praeter infinitum meum judicium, multis Tibi nominibus obligatum, tot in unum conspirantia vota promptus adducerem, quotquot Viros Sapientissimos, qui Te primo norunt, dotum Tuarum illustrium constantissimos, atque quotidianos demiratores, laudatoresque complecteris. Præterea testatur laudatissi-

nam pietatem Tuam ardentissimum cultus Divini studium, cuius gratia hac difficillima rerum nostrarum tempestate nullis parvis laboribus, & exhaustas toties mirum in modum, Caelesti penuriam reficiente Numine, iterum hauris & expendis opes, instaurandis tam magnifice, ut videre licet, Templi Tui splendoribus, ac hominum depellendae calamitati succurrendo. Excellentem verò ingenii perspicaciam, raram atq; solidam omnium literarum peritiam, in publicis privatisq; rebus optime administrandis prudentiam, gravitatem quandam ab omni arrogantia alienam, affabilitatem in omnes, humanitatem liberalem, animi aequitatem atq; clementiam, non est, quid memorem, iis enim ornatus praesidiis peccus Viri mitissimi atq; Sapientissimi PERILLUSTRIS & REVERENDISSIMI DOMINI D. LAURENTII JOSEPHI FLORIDI CHMIELECKI, PATRIS animò Tibi coniunctissimi, quo meliorem saecula optare non poterunt, possedisti, ac summam totius Amplissimi Ordinis Tui voluntatem conciliasti, ut in tanto lectissimorum Virorum numero, hoc honoris loco, quem retines, unus ex omnibus enitescere merereris. Fruere ergo bonis omnibus, quibus coeli propitii de se optime meritos cumulare Viros amplissime consueverunt, lucis hujus usuram felicissimam, dum non licet in perpetuos, longissimos tamen profer in annos sospes, & incolumis; & de meis in Te singularibus studiis, altam tuam mentem amplius abhinc dubitare ne finas. Vivo certè

PERILLUSTRIS & REVERENDISSIMÆ
DOMINATIONIS VESTRÆ, PATRONI
MEI FAVENTISSIMI,

*perpetuus atq; demississimus
Cultor & servus.*

A. O.



ORATIO.



Nisi vetustissimæ pietatis hortatu, quam serva-
ri integerrimam anno quovis vertente Uni-
versitas Nostra sanctissimè studuit, agere mi-
hi semper præclarum duxissem, mentemquæ
meam non tam æ meo, quàm ex ipsius potius
salutari consilio, omni loco ac tempore dirigendam pu-
tâssem: tam profectò parum facilem, suscipienda ista, quan-
quam maximæ dignitatis plena, fidem meam ac operam
habuisset provincia, quàm incomptis ad laudandum ver-
bis, & humilibus me instructum sententiis, coetus Vester
amplissimus, locus, ætas, ac præcipuè laus tam ingens re-
pererit. AA.

Et verò; cui non sit perspicuū, quo studiorū genere, quæ
excellitate ingenii, quæ sapientiæ magnitudine, atq; subli-
mis eruditionis præstantia ad omnem sciendi gloriam com-
paratos Vos haberi, ut re ipsa est, omnino oporteat, quavè
latini castitate styli, sermonisq; elegantiæ me apud Vos dicere
conveniens sit id qui scire cupiat, labore nullo is utrumq;
intelliget, si rem animò quasi præteriens, ipse secum semel
etiam diligenter expenderit. Vos flores omnis doctrinæ le-
tissimos in hanc Ædem Augustissimo DEI Unus in Natura
& Trini in Personis honoris sacram ex ea confluxisse. Urbo,

ad quam Viris doctissimis orbe toto venientibus aditus
semper patuit, & quæ bonarum æmulatione artium in
quibusvis cultissimis nationibus non infimum quoq; no-
men promeruit. Aut ætas, quam vivimus, eximia litera-
rum culturâ, pristinam sæculorum memoriam tantò ma-
gis vincens ac superans, quantò uberioribus atq; novis
in natura detectis rerum caritatibûs & inventis, quibus in
dies sapientiæ famam accumulat, usq; eò eminentiæ, e-
ditis immortalibus tot magnorum librorum monumentis;
se proæctam existimat, ut, quemadmodum summis olim
Alexandri victoriis, ita sui vastitati ingenii universum
parvum esse orbem affirmare, nescio, quàm prudenter,
nō dubitet ac id ipsum amplissimis, terræ, maris, ac nubium
non contenta limitibûs, jam alios pulchriores mundos si-
bi & incolas vel in ipsis cælestium planetarum corpori-
bus, exstruere, creare, collocare & conflagere, jam futu-
rum artis volandi modum expeditum promittere, jam
cætera admiranda opera Marte suo conficere tam mini-
mè vereatur, quàm maximè ipsam etiam perorantem elo-
quentiam, si ea oris gratiâ ac decore, quo priscis olim
colebatur gentilibus in conspectum venire posset, sub-
tilissimis scriptis suis ac sermonibus convellere, innocen-
tissimum, imò verò magni meriti rem persuaum haberet.

Locus iste sanctissimus, in quo veteri illo ac pervul-
gato proverbio tot omni veneratione dignissimas maxi-
morum Sanctorum calcari exuvias, quot has aras magni-
ficas quovis die adeuntium moveri gressus à majoribus
nostris pientissimis accepimus, quàm exquisitissimis sacros
istos parietes cupiat personare laudibûs, quibus ipse àër
clausus & ambitus, tot eloquentissimis summorum Ora-
torum, qui me præcesserunt, aures meas usq; hodie mul-
cere videtur sermonibûs, quo minutissimis atomorum sca-
tens pulveribûs, amplum templi implens vacuum, modò
fluens

fluens, modò refluens, frontes vestras lambere, manusq;
vestras dignissimas osculo quodam humanissimo salutare
conjicitur. Oblatus verò mihi publicus hodiernæ lauda-
tionis honor, lucem quidem jucundissimam reficiendis &
recreandis omnibus totius universi partibus reditu suo
rursus natâ commemorat, sed eâ quâ Illustri oris sui facun-
dia, laudatissimè in hoc loco versati Oratores singulis re-
tro superioribûs annis ornare felicissimè satis conati sunt,
ceterùm ab ineunte anniversariæ laudationis hujus con-
suetudine in hanc usq; diem, si quid splendide, sapien-
ter, ac regiè unquam dictum est, ut revera est, nihil est,
nec deinceps futurum erit, quod ad tantæ celebritatis fa-
stigium non infra jaceret.

Nam laudare unum aliquem, qui rarissima sancti-
tate vitæ ad Angelos ac ingenti ingenii altitudine ad DE-
UM ipsum proximè accedere crederetur, & qui pene solus
inter homines verissimum sapientiæ oraculum, Superûm
effatum, coelorum lingua, virtutumquæ domicilium, dum
mortalem vitam ageret, Praedicatoribus, Magistris, Do-
ctoribus, ac per Orbem sparsis florentissimis Scientiarum
Universitatibus, Divina disponente Providentia, propositus
sit, aut Oratione publica è suggesto ornare eum, pro cu-
jus olim immortalis gloria, priusquam inter prima Sapi-
entiæ sidera coetui beatarum mentium adscriptus esset,
signis etiam ac portentis Coelum ipsum pugnare ac labo-
rare visum est, hunc qui satis laudare valeat, non jam e-
loquentissimis comparandus Viris, sed Angelis ipsis remo-
tiora atque secretiora longè profundius scrutantibus erit
mihi simillimus. Nomen ipsum inclytissimum, cujus incre-
dibili singularis famæ magnitudine nullus vacat locus,
excellentissimis & naturæ & ingenii ita fulget hono-
ribus, ut qui nudam vocem Aquilatis audiverit, non ali-

ter praestantissimam ejus dignitatem concipiat; quin
re adhuc integra, unum sibi inauditae Scientiae & virtutis
prodigium Divum THOMAM proponat.

THOMAM quippe dicere idem est, quod, quidquid pre-
tiosius habent terrae viscera, dignius & nobilius univer-
sus orbis pulchrius & jucundius lectissima Sponsa Chri-
sti Ecclesia, uno velle verbo commemorare, ita bene &
appositè, ut si cui omnino laborandum esset, ut hominem
eruditissimum, mitissimum, castissimum, moderatissimum
ac piissimum fingat finget perquam aptissimè, si eundem
THOMAM esse definiat.

Hunc igitur ego Virum Sanctissimum, in Ecclesia ma-
gnum, adeoque orbe toto terrarum celeberrimum ora-
tione inter infimas amandanda aggrediar? hujus immen-
sis laboribus ac infinitis in Scholas, Reges atque supremos
JESU Christi Vicarios meritis laudis aliquam affingere
partem moliar? fidus istud lucidissimum, munimentum
firmissimum, ornamentum maximum illustrare pingere &
exornare nitari? toto coelo errare malim, id si faciam.

Factum meum ejusmodi, vel si placet, temeritatem me-
am, ut gratissimi argumenti locò Vobis fore existimo,
ità Vestris etiam gravissimorum judiciorum suffragiis cer-
to certius comprobendam confido, si, quàm justā ac solidā
rationem habeam abstinendi à Laudibus, unā mecum
impensius cogitaretis. Mea ista cogitatio dicendique vis: da-
te animos AA. BEATISSIMI AQUINATIS INNOCEN-
TIAM MIRARI DEBENT SINGULI; SAPIENTIAM
NEMO SATIS MIRARI POTEST!

Duos ego istos rivulos limpidissimo vitae illius fonte de-
ductos in immensum perpetuè excrecentes mare distioni
praesenti contemplandos praefixi, Innocentiam nempe ac
Sapientiam, altum earum uberrimum cumulatissimis re-
dundans

dundans ductibus, nullo pacto metiri volo, aliqua solum, sicut nautae solent, quae notatu dignissima, in procinctu vitae observavero, non consultò referre non negligam, felix meum navigium ventis tuis promove Dux Magister optime! ad quemcunque portum signis tuis sub amplissimis deferendum.

Prosequamini benevolentissima attentione Vestra brevem istam non tam Orationem, quam potius excusationem meam, et, si erunt in posterum, qui laborem meum, aut mei similem, minus bene Divinissimo respondentem Doctori, sive domi, sive foris coarguant, eis meum negotium pro praesentis argumenti gravitate, pro dicentis tenuitate: temporum atque rerum angustiis aequiore animo, exponere, solvere, & excusare, oro, recordemini: ego si non expectationi Vestrae, pietati nihilominus, cujus dicto ut initio sum testatus, obediri, rebus, quibus potero, deservire studebo.

Gratularer mihi plurimum, si Glicerae feminae solertissimae imitatus indolem, quae lisdem compositis floribus, varios atque varios mirificam venustatem spirantes, legere scivit fasciculos, pulcherrimam illam Innocentiae imaginem innumeris virtutum conflata coloribus in sanctissimis spectatissimae D. THOMAE vitae, novo quodam & non usitato splendore relucentem moribus, attentissimis Vestris animis contemplandam proponere; sed, cum mihi justissime metendum esse cognoscerem, ne, ut olim Pausias nobilissimus ejus nominis aevò suo pictor in reddendis penicilli ope eximils Glicerae laboribus, ego in recitandis Innocentiae Divi THOMAE laudibus, operam totam perditam, laboremque malè collocatum quererer, munere meo me perfunctum optimè, Vestro etiam arbitrato, intelligam, si virtutis propositae vel à rebus similibus rationem subjiciam. Umbra mihi ejusmodi non obscuris quibusdam indicis, nobilissimum è terrenis floribus prodit liliū, quod Poëtae celeberrimi

berrimi niveo lacte decidente Coelîs nobis esse natum fabulîs pulcherrimè fictis non sinè consilio tradiderunt. Coeli profectò singulare donum Innocentiam esse docet is, qui omnibus palàm confessus est, neminem posse continentem esse, nisi DEUS det, & quemadmodum primam ejus originem, ab ipso puritatis fonte proficisci DEO, sic extremam ipsius gratiam ab Eodem pendere, neq; ullius mortalium animam ad ipsius Divinitatis imaginem, quam ad ejus similitudinem omnes conditi simus, propiùs unquam accedere posse, quàm, quæ purior, justior atq; innocentior sit inventa. Inde est, quòd; qui moribûs integri, scelerisq; puri, illibatam vitæ innocentiam, in diebus suis servaverint, coelitem simul, hominumq; animos bene semper in se affectos, magnete omni potentiùs, in amorem sui pertraxerint, & quemcunq; demum se in locum receperint, eos, tanquam Divos quosdam, non homines sacro natos partu, ipsorumq; coelestem vel in terris vitam fixis in eos oculis universus suspiciat & admiretur orbis.

Unus ex his Divinis hominibus, ne dicam Angelorum è numero, pudicitiae flos lectissimus, Ordinis Sancti Dominici ornamentum, Henrici VI. Friderici II. Imperatorum, Arragoniae Regum, Hetruriae, ac Ferrariae Ducum delictum, Patrum Aquini illustrium, magnorum Chieffi Comitum à clarissimis Normandiae Ducibus descendendum, gemma plusquam pretiosissima, oculorum Lumen, populorumq; solatium, verissimum Innocentiae lilium, Divus THOMAS principe quodam loco commemorandus est, qui rarissimo purae mentis candore aevò suo virebat, florebat, olebat, imò etiam nunc viret, floret ac olet, atq; ita viret, floret ac olet, ut arduum satis opus sit, tempus ipsum præscribere insigni existimatio-
ni

ni illius , quam de ipsius magnis meritis, atq; incredibili sanctitate summi, pares, ac infimi imbibebunt.

Me iudice, si purissimae mentis dignitas, atq; pergrata Innocentiae pulchritudo vel in ipsa D. THOMÆ infantia, humanis posset tangi oculis, iisdemq; clare innotescere, tam profectò ingens desiderium amoremq; sui incomparabilē, in singulis excitaret, tantamq; in oculis omnium inveniret gratiam, quanta ad eā ipsā tenerimē amplectendam, omniq; contentione & studio custodiendam sufficeret.

Tamen, neq; ita reconditam in cujusquam animo integritatis venustatē omnino haerere noverimus, quia haec velut per rimas, frequentissimae svavitatis gratiā, in corpus etiam innocentis erumpens, jucundissimam suam Majestatem proferat, vultumq; ipsum, dissimulata quadam ac supra modum amabili pulchritudine formae afficiat, hac ratione ex optima compositione morum ad omnem recti honestiq; regulam accomodata, tum ex caeteris signis atq; indiciis occulta animi simulacra notantibus, quae tam Sanctum prodiderunt virum, quantum humana patietur facultas, castitatis magnitudinem arguere atq; pervestigare conabimur.

Et verò natus THOMAS propè sanctissimus, crevit sanctissimus, adolevit, vixit sanctissimus, mortuus quoq; sanctissimus, & priusquam mortuus, vel adultus, vel natus tam plenissimae sanctitatis umbras plures sparsit in locos, ut videre etiam difficillimū sit, ubi coeperit esse sanctissimus, aut ubi desierit. Nondum praeclarissima vitae ejus aurora Christiano illuxit orbi, nondum nobilissimos suos ortus invexerat, nondum felicissimus tanti viri partus refulsit, nondum magnum Divinissimi

Aqui-

Aquinatis Nomen, claritate sua florentissimas Italiae partes impleverat, Theodora ipsi Parenti THOMAE lectissimae dies ejus natalis tectus, & ignotus erat, jam futurae sanctitatis praesagia nascituri filii, ore cujusdam solitarii Divinitus profata erant, Theodoram nempe parituram filium, cui neq; virtute, neq; scientia aetas illa in Crisbe parem habitura esset.

Postquam verò felicissimis editus esset in lucem auspiciis, postquam orbe toto illustres ejus vulgarentur natales, postquam pueritiae emensus spatium discretionis annos attingeret, ac liberalissimae institutioni Parentum quinquennis in montis Cassini Coenobio excellentem memoriam, tum sublime afferret ingenium, ac tandem cum tempore, procedente aetate honestissimis omnibus Literarum studiis idoneus redderetur, mirum! quantum in pietatis studio excolendo, ac in caeteris comparandis virtutibus, ad magna gloriae incrementa collimantibus, die quovis profecerit, quamq; futurae sanctitatis spem maximam omnium de se opinioni reliquerit.

Prima ejus vox erat, omnium admiratione dignissima: quid est DEUS? pueriles illius suavissimae atque vulgatissimae nugae, studium & oratio, constans atq; perpetua consuetudo cum sanctis, nempe cum Ludovico Sanctissimo Galliarum Rege, cum Bonaventura Eminenterissimo S. R. E. Principe, vel cum Coelito, aemulis Benedicti Filiis, vel cum coelestem vitam in terris viventibus, Ordinis Sancti Dominici Fratribus, commoratio ejus in aulis Pontificum, Regum ac Principum, mens in rerum Coelestium contemplatione defixa adumbratam in homine Divinitatis Imaginem considerans, jacta primae Innocentiae lineamenta, tam altis memoriae impressit radicibus, ut omni vitae studio, quae purissima ipsi visa sunt, acrius atq; multò studiosius, quàm dici potest, sectaretur,

Con-

Conjicite vestros animos in ludentem cum virtutibus tenuissimo septū corpore pusionem THOMAM, cujus dentes candiduli, serena facies, venusta supercilia, gestus graves & compositi, gratum in modum eminentes genae, os & labra rubentia, color suavis, ac ipse dulcissimus oculorum conjectus, amaenissimos referebat lepores, in conspectu coetus vestri amplissimi & in auribus omnium tanto numero hoc suggestum ornantium, nutricis sinu forsitan gestientem ferri, oculis ferre vestris dignemini, tacentem, non loquentem, ubera adhuc sugentem non edentem, rationis usu carentem, non ambulanti, sed jacentem, imò reperire adhuc nescientem considerate. Literarum rudis, scriptum Mariae salutatae ab Angelo advertit humi jacere nomen, flecit in eam partem lumina. nec abinde revocari se patitur, subridet, vagit, quā ploratu, quā pedum, quā manū, quā totius corporis motu loco se proripere per vim nititur. Nullum iubit cogitatio. quid cupiat. Objiciuntur elegantes colores respuit; splendida offeruntur munuscula, spernit; dulcia proponuntur poma. recusat; flores, nummos, verborum lenocinia rejicit, cupedias & crepundia averiatur & odit, somnō sopiri non patitur disrumpit fatias, cunis elabitur, cernuus reverenter procumbit, vitam paginam arripit, arreptam in suavissimis osculis & amplexibus vehementer absorbet, & in suis gemitibus è vestigio conquiescit. Quid est? saltem docere velis terris è Coelo credendum pignus charissimum, quod te legere aureos istos characteres fecit? Innocentia, quae in suis visceribus Verbum Patris concepit. Quid est? quod lumen oculorum tuorum in se fixum detinuit. Innocentia, quae ubi adest, ibi omnis turpitudine abest. Quid est? quod tristes lacrymas, moxq; risus amabiles, venustissimo vultu tuo ellevit, Innocentia, quae non sine lætitia

prima luce conspicitur. Quid ad motum vim addidit? Innocentia: quae res omnes pulcherrimas maximo suo superavit nitore. Quis oblata deferere, pulchra contemnere pretiosa postponere, universa flocci facere docuit? Innocentia; quae Virginitatis decorem Matris Divinae olim dignitati praetulerat. Quis exilem schedam inquirere, venerari, sumere ac degustare fecit? splendor illius Innocentiae ob quem Virgo Sanctissima tanta vultus elegantia fulsit, cum viveret, ut ni Fide Catholica clarus ille Dionysius prohibitus esset, visa ejus pulchritudine raptus, eam Deae instar honorasset. O quàm suaviss es Mater DEI purissima! cujus Nomen ipsum THOMAE fuit dulcissimum, ô quàm casta THOMAE viscera! quae hoc Nomen suscipere sunt inventa dignissima! Cogitate interea AA. ego primam THOMAE stupens infantiam jam hîc haereo.

Sed non diu hac in re morari sinor AA. aliò laudabilia gesta THOMAE me provocant. aliò venustates Innocentiae, mentem meam dirigunt, & invitum abripiunt, non me illis subtrahere, non easdem deferere, non ab earum pulchritudine avocari, divelli. neq; procul abesse possum. Amatorem Innocentiae adolescentulum audivistis THOMAM, aurum ejus purissimum multis flammis probatum jam adultum cognoscite.

Itaq; ducor ego illi similis, qui vehementi subito abreptus flumine, aspirante à tergo soluta vela promotus vento, praeter alta montium juga praeter excelsas turres, structurasq; magnificas sylvas densas & asperas, variasq; rerum imagines cursu suo provehitur: gratam Coeli faciem aërisq; tempestatem mutans, aliud atq; aliud terrae litus nanciscitur, sed, quod maris benignitas viarumq; clemens impetus & fortuna tradiderit, & res altera alteram sic ab oculis intuentis eripit, ut admirandam rerum sua serie fugientium visu notare pulchritudinem quid primum sermonibûs accuratè exprimere nequaquam liceat.

Vide

Videre mihi videor Aquinatem Divinissimum alba veste indutum, Sacerrimae Praedicatorum adscriptum Familiae, Neapolî Roman, Româ Parisios adventantis conspectum Matris declinantem. Legere mihi videor Theodoraë literas duobus filiis natu majoribus, Imperatoris in castris merentibus, eo nomine scriptas, quò modis omnibûs Aquinatem à proposito dimovere contenderent. Cerno animò decimum supra septimum tum agentem annum, ad domesticos toto ferè biennio damnatum carceres, sexcentis contumeliis, pugnis dolis & verberibûs laceffitum. Jam erumpentes in medium tristes Parentis gemitus, sordesq; lugubres, preces, voces, singultus atq; sidera ipsa ferientia suspiria: **THOMAM** ad plantas supplicem provolutum Matris, **DEUM** primum esse ac supremum Dominum, vocem ipsius elatioris esse, quàm cujusquam carnis & sanguinis, omni, qua par est, reverentia reponentem: jam Landulphum & Arnoldum Fratres, indignari, fremere, diras duro & acerbo vultu machinationes minari; **THOMAM** veniam deprecari, minas ridere atq; infidias, odium charitate vincere, ac superare. jam Sororem deniq; magna loquendi facultate præditam, suaviter persuadentem verbis & blanditiis **THOMÆ** lenire animû molientem: opes, honores, divitias proponentem: **THOMAM**, Comitum vocari nolle patrimonio satis amplo cedere, **DEI** ipsius amore purissimo se contentum, testari palàm audire mihi videor; sed haec tanquam in cursu sinè mora praetereo.

Id, quod novum in carcere offendo spectaculum? ludor, an non ludor? vana rerum imagine caplor, an non capior? unâ mecum advertite **AA.** Facies multis delibuta unguentis. oculi blandi, frons calamistris notata vestigiis, capilli niveo conspersi cinere, pretiosis

collum distinctum lapidibus, manus odorum affatae sva-
vitatibus, pectus neglectum, amictus mollis, sermo le-
pidus, quid significet? quidvé sibi velit? cum veste e-
xutam honestatem & frontem (dicere turpe) significat.
Invidia plaudit, scelus exultat, juventutem THOMAE
jam stipulam siccam, jam foenum aridum, jam pulverem
pyrium, incensu facillimum appellare non dubitat, ita:
pulvis pyrius THOMAS, vix enim limina penetrantē
vidit, pulveris instar pyrii, repentina inflammatus irā,
è mediis substracto ignibus, candente tantam hospitem
salutavit liguō. O Te certē hominem inhumanum
THOMAM! Imbellem in feminam flammās stringis &
ignes? ita est: muscae ferventi aquae non insident, te-
pida delectantur. Licuit primam salutationem excipe-
re? non: jacitur verbum molle in aurem, non secus neq;
aliter, ac semen in terram. Licuit manum osculandam
concedere? non: si pilum ex homine spiritus nequam
habere possit, illum faciet punctō coalescere in ruden-
tem. At mitis erat: basiliscus sinē strepitu solo necat
aspectu infirma mulier: quantos leones domuit una in-
firmitas delicata: parvum est, momentum aliquod volu-
ptati dare: nihil est reputandum parvum, ubi Magnus
DEUS offenditur. Innocentia prodigitur, aeternitas pe-
riclitatur. Flos est amoenissimus Innocentia, quem moi-
dicus aestus decoquit, infirmior manus decerpit, remis-
sior turbo convellit. Speculum nitidissimum est, lento
halitu obscuratur, tactu maculam trahit, levi casu fran-
gitur, decus & pretium amittit. Thesaurus Innocentia est,
semel laesus, semper perditus, dolere de amisso potes,
primae tamen Innocentiae florem recuperare non potes,
quō amisso, neq; absis es ampliùs, neq; teruntii. Abi
ergo illustrior tanta luce impietas, quid conspectum ho-
minum impudens adhuc sustines? remotissimas pete tibi
tene-

tenebras, inter saxa cum immanibus delitescere feris, pro-
stitutum pudorem tuum in inaccessis circumfer recessi-
bus, quanquam illud etiam, cave, commiseris, ne vel il-
lis mundi finibus pestem feras, extremumq; exitium.
Huc adeste testes tantæ victoriæ beatissimi Cæli Spiritus,
qui in signum fortitudinis lumbos ejus castissimos virgi-
nali balteô præcinxistis. Tu spectator certaminis eras
DEUS Maxime! tantarum gratiarum copiâ Aquinatem
Sanctissimum cumulasti. Vos beati parietes, si loquen-
di vobis data esset potestas, factum illud amplissimum
prædicassetis optimè, me obvia ejus mentio hac in
parte suspendit.

Non est mearum virium **AA.** ut pro præsentis ma-
teriæ amplitudine Oratoris personam cum dignitate su-
stineam, non est mei ingenti, qui satis verbis planum fa-
cere possim, quanta Doctor Angelicus Innocentiæ laude
enituit, desunt tantæ explicandæ rei verba satis ac-
commoda, cogitatio mentem deserit, resq; ipsæ defi-
ciunt. Enimvero; Dixerim Innocentiam manna Coeli
suavissimum? **THOMAS** sapor ejus erit. Dixerim lac
purissimum? **THOMAS** flos lactis ejus erit, florem præ-
stantissimum? **THOMAS** jucundissimus succus ejus erit.
erborem fertilissimam? fructus ejus dulcissimus **THO-**
MAS erit, lapidem nitidissimum? nitor ejus venustissimus
THOMAS erit, balsamum pretiosissimum? odor ejus
suavissimus Angelos ipsos reficiens **THOMAS** erit,
ebur dixerim? nix erit, nivem? saccarum erit, sacca-
rum? gemma erit, gemmam? aliquid item pretiosius, ex-
cellentius & candidius erit, etsi omnia ista enumerem?
aliquid semper superaddendum erit.

Quamobrem dicant pro me potiùs horum aliqui, qui
strictissima cum vivente **THOMA** societate inita, mo-
res ejus integerrimos longè meliùs perspexerunt, ego
eos

eos brevissimè bona vestra cum venia percontabor. Vos imprimis, quos charitas diuturnò conjunxit studio, Fratres **THOMAE** ac Socii, dicite! quid est **THOMAS**? *bos THOMAS.* quid? bos **THOMAS**; Bovis ei naturam per contemptum tribuitis, qui vos omnes aemulos nobilissimò antecessit ingenio? Bovis ei speciem convenire dicitis? qui propter eximiam comitatem morum Vir justissimus appellari meruit? Bovis ei nomen imponendum putabitis, qui ob summam Innocentiae laudem Angelus in carne toti mundo fuit habitus? Proh petulantia! erubescite, confundimini, linguam turpem frenate, veniam deprecamini, os impurum lavate, sed, cum ipsis innocens non succenset, non irascitur, imò parcit **THOMAS**, nos ipsorum impudentiam altissimo castigemus silentio.

Aliter longè ac rectius tu sensisti Vir optime, spectata pietate ac fide plusquam probatissimè, qui tot annos constanter à confessionibus Aquinati fuisti, te posco, te flagito, vocem tuam requiro, quid est **THOMAS**? *quinquennis puer.* At quo pacto conscientiae moderator peritissime **THOMAS** puer vocabitur; qui Vir par summis hominibus fuit semper creditus? quomodo is annorum quinque reputari poterit? qui tot annos rarissima Sanctitatis formà eminuit? Is omnino cum puero conferendus censetur, qui gravissimos annis, magnis suis meritis superavit Senes? ita porro: quinquennis **THOMAS**, quia mansuetus, affabilis, humilis, simplex ac patiens inculpatæ vitæ tenorem ita retinuit; ut vix puer innocentior crederetur. Pingere sanctam humilitatem desideras **THOMA** nemo fuit humilior qui ad infima domus ministeria se abiciebat sapissimè, Strictissimam austeritatem conaris exprimere? nemo **THOMA** in se ipsum asperior, qui propemodum sine affectionibus insitis à natura vixit. Virtutes omnes amplissimas comprehendere cupis?

THO-

THOMAS erat perpetua miraculorum series. O Virtutes **THOMAE**! quò me fessum rapitis! sensus, mentem & iudicium auferre mihi videmini. In communi fomite non secundùm carnem vivere, virtute naturam superante, corpore in terris, animò in Coelestibus conversari, felicitate non virtute ab Angelo differre, ac eo ipso hominem in Angelum transformari, imò illo longè excellentiorem existere posse, res admodum captu difficilis.

Magnam, spero, jam creditis, de qua dictum est, **Divi Doctoris Angelici Innocentiam**, ejus tamen Sapiëntia tantò major, nobilior ac illustrior est, quantò magis ac impensius sanctus iste maximus ab universo mundo laudatus toties, à nemine tamen ita fuit laudatus, quin praesentis argumenti magnitudine eloquentissimum quemq; opprimeret.

Duæ istae Sorores Innocentia ac Sapiëntia eadem solent in sede morari: **Laurentio Justiniano** avidissimo scientiarum Juveni Divina Sapiëntia spectabilem se praebuit, utq; vitae Innocentiam cum perpetua Virginitate coleret, vehementer persuasit: **Nazianzeno**, utraq; humanos induta vultus apparuit, & alteram sine altera vivere vigereq; non posse asseruit: in hac tamen & in altera **THOMAS** summè emïnens omne tulit punctum.

Non est, non est, cur proprium characterem inquiram, quo hic Sanctus à cæteris distinguatur omnibus hujus enim scientia, Sanctitas, scripta, actiones ac opera, sublimes mentis eruditiones cor flammis pietatis ardens, praesertim in Sanctissimum Mentis Coelestis Mysterium pridem illi optimam existimationem compararunt.

Profectò: fingite unum aliquem tam felici ingenio, tam eminenti & ad summum perfectionis propecta scientia,

tia, qui reconditos in se Divinarum humanarumque litterarum thesauros complecteretur, complexus est THOMAS. Cogitate unum aliquem, cujus incredibilis sapientiae magnitudo jam claustra, jam Scholas, jam universam Ecclesiam, jam vastissimas omnes orbis partes nominis sui claritate impleret, implevit THOMAS. Quaerite unum aliquem, cujus ore Pontifices, sacrorum r tu n Praefides, Universitates, Doctores, utriusque fori Judices, atque celebratissima Sanctorum Patrum loquerentur Concilia, ore THOMAE loquuntur. Sistite unum aliquem, qui gravitatem styli Ambrosii, profundam eruditionem Hieronymi, subtilitatem Gregorii, scriptis suis doctissimis instaurasset, qui altissimas scientiae notiones, quarum terminus cognitioni humanae nec ipsa aeternitate definiri potest, exhausisset: qui distantibus saepe sibi Principibus Reipublicae Christianae Viris Petro & Paulo scripseret, docuisset, legisset; instauravit, exhausit, scripsit, legit THOMAS.

THOMAM Doctorem splendidissimum Alexander VII. Divinae mentis Interpretem, Clemens VIII. Athletam fidei invictissimum, Paulus V. certissimum doctrinae Christianae Magistrum, atque quintum Doctorem Ecclesiae Pius V. supremi Christi Vicarii pronuntiaverunt. Doctorum compendium, eruditorum congregationem, Sanctitatis Curiam, scientiarum profundum, sapientum lumen, Religionis Sacrum, Musarum domicilium, veritatis Oraculum, humilitatis exemplum, Virginitatis Aram, Doctorem Angelicum, missam Coelo Sapientiam, elegantissimam omnes Oratores dixerunt. Taceo tenacissimam ejus memoriam, cui nihil peribat. Spiritus acrem perspicaciam, cui nihil erat impervium, ingenium ad id unum natum, ut quodcumque aggredieretur, perficeret, capacitatem maximam Magistrorum praevertentem praecepta, studium diligens.

ligentissimum sub D. Adalberti Magni institutione pro-
batum: cui docentis, non respondentis videbatur ~~cui~~
nere locum, honores, laureas & caetera magna sapientiae
monumenta taceo, innuere paucis sufficit: cum pergente,
pergere, cū scribente, scribere, cum legente legere, cū do-
cente docere, cum loquente loqui, manducantem, tacen-
tem, otiantem, imò etiam dormientem THOMAM nus-
quam deferere Sapientiam. Ponite vobis ob oculos dul-
cissimae refectionis gratiā lautum illud convivium, epu-
lasq; magnificas, Ludovici Magni Galliarum Regis
Christianissimi juxtā, ac sanctissimi, regia verè paratas
munificentia, mensas multas, ac opiparas, exquisitissimis
instructas ferculis, ac suavissimis condimentis refertas
vel, si sanctū abstinentiae tempus patitur, quidquid placet,
gustate, libate, lassas vires reficite: quod si Regiae Majestatis
reverentia aut insita à natura modestia appetitum co-
hibet, Regem saltem ac Proceres, mensae situm, modum
ac ordinē diligenter respicite. Sedet ipse Rex medius, Re-
gem Serenissima cingit Familia, inde Ministri, hinc Co-
mites, inde Duces. hinc caeteros sub ignotis nominibus
distinctissimos nospites, ac inter eos etiam Aquinatem Di-
vinissimum accumbentem mensae observate. Propinan-
tur cibi, niniſ rantur plena pocula, graves aequè ac
dulces miscentur sales sermonibus, THOMAS noster
manducat pariter, bibit, atq; summa omnium volunta-
te fruitur, Interea extra sensus rapitur, paululū con-
ticescit, moxq; integrae menti redditur, tanquam so-
mnò graviore excitatus, tota tandem voce in haec ver-
ba prorumpit: *Conclusum est contra Manichaeos.* Ubi adest
atramenti, quaeritis, abest. Ubi calami ad scribendū prom-
pti? absunt. ubi scripta aliqua? vel librorum volumina?
ne minima quidem horū mentis, quā igitur conclusū est?
eam etiam omnes ii, qui aderant, mutuis secum confi-

ctantes quaestionibûs, rem mirati quidem, sed ne mirati
sunt fa. is, tanta quippe THOMÆ Sapiencia fuit, ut prae-
sentes errores feriret, & absentes attingeret, atque ani-
mos secum conversantium detineret, nihilô minus, quàm
me modò loquentem & Vos de his audientes detinet.

Hoc tam ingens monumentum gloriae prodidit
THOMAS cum summa admiratione omnium, inter da-
pes regias, inter Viros genere & autoritate illustres,
humanitate atq; benevolentia in Principem ac in se cer-
tantes, non de eruditionis gloria contendentes, in cu-
ria, non in schola, in epulandi non disputandi loco, nec
cogitanti, sed otio indulgenti, non disputanti, sed edenti
non advertenti, sed animum relaxanti, & nolenti
quàm volenti, potiùs argumentum istud firmissimum
excidisse vidistis, quid? cùm de industria, quid? cùm pa-
rato animò, in rostris & cathedris in templis & conciliiis
altissima, quae non licet loqui homini explicantem
mysteria, Sacras Literas ac caeteras difficillimas artes
proficientem, pravos vitae solutioris mores liberiùs in-
fectantem, supremam Sanctae Romanae Sedis dignitatem
tuentem, impias religiones evertentem, DEI ipsius cul-
tum verissimum promoventem, legeretis, videretis vel
audiretis, quid, inquam, de Aquinate dicere aut sentire
cogeremini? vestram fidem appello!

Obliviscimini, quaeso, vitam THOMÆ Sanctissi-
mam, pietatem, constantiam, humilitatem, caeterasq; vir-
tutes amplissimas, ipsam etiam Innocentiam, de qua hac-
tenus actum, altissimae oblivioni date, austeritatem
in affecta valetudine, contemptum honorum omnium,
& quidquid sanctitatis ejus probare potest indicia, re-
move, tollite, & in alium locum rejicite, omnibus ip-
sam meritùs ad sanctitatem viam sternentibus, spoliare,
private, destituite, doctos labores ipsos relinquite, quos

pro

pro Divino nunquam non suscepit honore, ausim dicere, vel in nuda Doctrina THOMÆ, tantum esse præsidii, ut ad ipsius inter fastos Sanctorum referendum nomen, aureis celebrandâ sermonibus Summa THOMÆ propositâ, nemo pluribûs aliis argumentis, reor, opus ullum haberet.

Quamquam mei ne istud ingenii aptum esse figmentum existimatis? meos istos conceptus à dicendi aliqua facultate petitos minimè justos creditis? aut novum aliquod rationum inventum arbitramini? non id mihi sumo, nec id mihi tribuo, neq; vestram ampliùs opinionem ludi dissimulare possum.

Tulit istud oraculum, oraculum dico, nam effatum simplex appellare revereor, Vir sublimi sanctitate conspicuus, sapientia summus, Urbis, totiusq; orbis terrarum Pontifex Maximus JOANNES XXII. qui, cum causâ Sanctitatis Doctoris Angelici Romanorum more diceretur publicè, ac de ipsius rebus minè gestis religiosa aequè ac gravissima feret inter partes contentio, tam præclarè THOMÆ, quàm sapienter sibi, sensum suum aperuit. *Summam THOMÆ tot summa continere prodigia, quot articulos.* Et merito: tantum profecit, si non adhuc plus aevò boni Aquinatis tulit eruditio, quantum nascenti Ecclesiæ infinita profuere prodigia. Illa sibi desuper potestate facta in virtute Dei dura hominum molivere pectora, hæc deductis à natura principiis cum Divina auctoritate conjunctis rudes aequè ac doctos in cognitionem veræ Fidei venire cœgit. Illa augustissimo JESU Nomini Orbem totum parere fecerunt, hæc invictis Literarum præsidis Regnum Christi firmavit, illa Fidei Christianæ efficiò DEI cultum auxerunt, hæc eidem vitam Fidei inspiravit, atq; iis ipsis armis, quæ

ſcelibus olim metuenda erant, hoſtes omnes accerri-
mos proſtigavit.

Recordamini AA. quàm orientis Eccleſiae aetas
ſtudio ſapientiae ſemper ſuſpectum habuit, ut Vir ille
graviffimus Tertulianus aſſerere palàm non dubitaret,
ſapientes quodàmmodo à Fide aberrantiũ præcurſores eſſe,
quia nimium eruditi eſſent, atq; ſciendi ſtudiò res etiã
Fidei à ſenſib9 alienas, ſinito naturae lumine ſcrutaren-
tur: Div9 Doct9 Angelic9 vitiis multis ſcatentia Sapien-
tũ præcepta ſaluberrimè ita informavit regulis, ut iſdẽ
rationibus, quas pro ſua parte afferebant Gentes, ac ho-
mines à ſincera religionis Doctrina alieni, ad ipſorum
interitum commodiſſimè uteremur. Dictu mirabile!
ſcripſit Sanctus Athanaſius contra Arianos, Sanctus Cy-
ryllus contra Neſtorianos. S. Leo contra Eutychianos. S.
Auguſtinus contra Pelagianos, locuti ſunt. S. Gregorius
praves peccatorũ mores uſq; eò compellit ubi delit illis
quid respondeant, man9 Doctoris Angelici contra omnes
Valdenſes, Catharos, Patarenos, Pauperes de Lugduno,
Beguardos, Beguinas, Huſſitas, Vicleſiſtas, Lutheranos,
Calviniſtas, Bezas, Zwinglios, Socinos, Graecos à ſinu
Romanae Eccleſiae deſectentes, Stateros, Molinos Bajos,
Ianſenios, Atheos, Deiſtas, & caeteras impiiſſimas pe-
ſtes, ex rerum ſitu ac ordine profanorum iudicio atq;
conſcientia, tã feliciter congreſſus eſt, ut ipſorũ etiam
inſenſiſſimorum ſibi hoſtium calculis in ampliſſimo e-
ruditorum coetu, ipſe ſolus ſapientiſſimus diceretur,

Id turpiſſimus ille errorum propagator Bucerus,
impudenter quidem, ſed ad laudem Divi THOMÆ pro-
didit, qui veſanis ſuis furorib9 doctrinam THOMÆ ſo-
lidiffimam perpetuò eſſe impedimento ratus, quidquid
Orbis habet in ſe ſanctiſſimum, ſe facile everſurum,
extre

extremis suis comminatus clamoribus modo unus Doctor Angelicus, ac ipse scripta clarissima è media luce auferantur: *Tolle THOMAM & dissipabo Ecclesiam*, Vir optime! voles mutare consiliū, concepta pones odia supplicanti Ecclesiae parces? nō: *dissipabo Ecclesiam*? At fortasse illa in extremū permanens iudiciū, hanc adversus portae inferni praevalere non poterunt, hanc Divinum Numen perpetuò conservatam fore promisit? non: *Tolle, tolle THOMAM & dissipabo Ecclesiam*. O vermis ò tinea! versa tuum, ut potes, ingenium, mentem dire nocte dieque excrucia, vires omnes intende, ipsa dum, vis, funde viscera, neutrum horum perficies. Citiùs Coeli splendida extinguuntur lumina, citiùs profundissimi arescent fluvii, citiùs universus cum figura sua praeteribit orbis, quàm Doctrina THOMAE peribit, ipse etiam, ipse citiùs evanesces cum artibus tuis, & momento deficies, quemadmodum verba ista deficiunt,

Miramini, credo, AA. quid me agat tam praecipitem, quid me tam fortem & audacem exhibeat: quis spiritus vehementior urgeat, ut, cum homine perditissimo juratoque nominis Christiani hoste funestissimo virtutū omnium excidio, necem rebus sanctissimis anhelante, contendere palam non verear: stimulos istos tribute, quibus usque configor, incomparabili THOMAE Sapientiae eò, quae adhuc Viris omnibus eruditissimis, quos superior suspexit tempestas, eminentior est, quod non tantum ab invisis hominibus justas laudes extorqueat, sed, quod nemini antè datum est, Coelis etiam ipsis plaudentibus suum probet ingenium praestantissimum. Quis est iste, qui Doctrinā THOMAE definit rectissimā? quis? qui Doctoris scripta adamantibus eò magis nitentibus quod magis solida sunt, similia gravissimo confirmavit edito?

At quis publica luce atq; maxima approbatione omnium censuit esse dignissima? Sanctorum Virginum an Confessorum coetus? non: purpuratorum Christi pugilum, an Doctorum confessus? non: Divorum Vatum, an duodecim Ecclesiae Principum collegium? non: Virtutum aut Dominationum ordo? non: Ministrorum Dei Spirituum an quisquam beatarum mentium? non: Dominus dominantium, Princeps Sanctorum omnium, Splendor, Imago, & Figura Patris, Lux, Via, Vita, ac Veritas integerrimos THOMÆ subscripsit labores: *Bene de me scripsisti THOMA.*

Audis natura & ratio? sentis terrena sapientia? si verè sapientia dici potes. Divinae Veritatis autoritas, quae nec falli, nec fallere potest, tibi loquitur: *Bene de me scripsisti THOMA.* Bene scripsisti THOMA! de obscurissimis Fidei meae articulis, de Sanctissimis Religionis institutis, de Redemptionis pretio, de futurae vitae praemio, de extremo Judicio, damnatorumq; locis ac poenis, de rerum omnium sanctissimarum dignitate, ac potissimum de augustissima sacrosancti Corporis ac Sanguinis Majestate, bene scripsisti. Bene scripsisti THOMA contra Deorum multum numerum admittentes, contra negantes immortalem animarum vitam, contra tollescentes piaculares post mortem flammās, contra liberos impunè per omnia grassantes flagitia; contra omnes vaferrimos legum mearum contemptores bene scripsisti. Bene scripsisti pro Magistris & Doctoribus, pro literatis ac rudibus, pro senibus & juvenibus, pro fortibus & debilibus, pro Ducibus & militibus, pro divitibus & egenis, pro populis ac Principibus, pro privatis atq; Magistratibus. *Bene de me scripsisti THOMA.*

Quid tu cogitas ó Sol Coeli? Planetæ ac sidera? quid grandines, rores, nives, & fulmina? quid arbores plantæ, herbae & graminā? quid volucres, bruta, pisces
&

& lapides? quid naturae prodigia? quid Vos ipsi AA. de excello THOMAE ingenio suspicamini? ego mecum sic arguo: Bene scripsit Aquinas de Divinis Nominibus, de humanis quantò melius? clarè scripsit de mysteriis Christianae Rei, solo Fidei lumine notis, quantò clariùs de rebus sub sensum cadentibus? certò de DEO rerum Autore omnium, quantò certius de sideribus, brutis, Angelis, aut hominibus? haec est mea illatio: sed, si quaerere ex me volueritis, quid sit istud melius, clarius, aut certius? scio ista, & nescio, capio, & non capio, fluctuat mea responsio, nam mirari THOMAE Sapientiam nemò satis potest, quis de ipsa dicere? tota mea ratio, O-ratio atq; peroratio.

Usque eò liberiùs tota mea ab initio processit dictio AA. ampliùs si juberer, cogerer, & per summum nefas ducerer, non progrediar, quasi enim murus quidam impervius imago mihi Aquinatis Divinissimi opponitur. Angelum ego stantem in sole video, volo dicere, Doctorem Angelicum easpecie apparentem, qua olim Religioso sui Ordinis apparuisse ferebatur. Splendet medio in pectore Sol, omnes Orbis in partes aurei ejus pertingunt radii, lumen ejus omnibus manifestum est, sed id mecum agitur, quod in reddenda justa solis imagine peritissimis contingit pictoribus. Aciem oculorum in ipsum figere conor, iterum atq; iterum conor, sed perstringit pupillam, color nullus ad ipsius lumen accedit, quin refulgens, suae imaginis omnem penitus delet, & extingvit nitorem. Sub translatis tantùm nominibus aliis naturae oculus, aliis pater bonorum omnium dictus est, sed, qui acu propiùs rematrigisse creduntur, imaginè DEI optime appellârunt, ejus quippe Innocentiae aut Sapientiae tanquam Divinae Majestatis scrutator opprimendus à gloria.

Gloriare igitur Sacerrime Praedicatorum Ordo! gloriare inter Angelos, gloriare inter Doctores, tanto tuo Alumnò! qui Angelica plusquam Innocentiâ & Divina
pro

propè Sapientiâ magnum de se dubium secuturis olim reliquit temporibus, num terrestris Angelus, num Coelestis homo nuncupandus esset? Laetare DOMINICE Be-
atissime tanti Filii Pater, institutae per te Familiae pecu-
liarem ac proprium characterem esse doctam habere san-
ctitatem, cujus splendor ingens est Divinus Aquinas. Non
enimvero amplissima doctissimi ac sanctissimi Coetûs Ve-
stri lumina per Gallias, Italias, Hispanias ac Polonias pro-
pagata, quorum magnis laboribus vera Christi Religio
in novum etiam usq; mundum invecita: de praeclaris Ve-
stris meritis in DEUM & homines toti, quâ latè patet,
informando orbi immortalia vitae & Angelicae doctrinae
THOMAE monumenta sufficiunt.

Magnus gloriae tuae nitor efficit Flos & Amor o-
mnium Innocentissime atq; Sapientissime Doctor, quòd ad
laudes tuas caecus efficiar, tuo lumine laesus. Si paucio-
ra haberes lumina, meliùs videreris, ac etiam laudare-
ris ab omnibus. Laus communis est: omnes homines sci-
entiâ praestantissimos, omnes locos, omnia demum tem-
pora experiri lumen tuum clarissimum: lumen doctrinae,
lumen quoq; gratiae fac in omnes diffundi, ad videndum
Patrem Luminum lumine mentes illustrante gloriae.

Solis hujus radios duos Vobis proposui, alterum
candidum, splendidum alterum: non ut Sancti dignitas,
non, ut loci sanctitas non, ut aevi subtilitas, non, ut Ve-
stra autoritas postulat, sed ignoscat aequitas atq; hu-
manitas: THOMAE enim Innocentiam mirari de-

bent singuli, Sapientiam mirari satis potest ne-
mo: meminisse dignemini, cum his ver-
bis veni, cum his quoq; discedo, gra-
tias habens Vobis amplissimas.



PROGRAMMA
POPISÓW PUBLICZNYCH
UCZNIÓW

LICEUM KRAKOWSKIEGO Ś. ANNY

Z ROKU SZKOLNEGO

18⁴³/₄₄.

— 100 —

W KRAKOWIE
W Drukarni Uniwersyteckiej

1844.

Biblioteka Jagiellońska



stdr0024567

